

Cristgina Beer, Surrein/Foppas



Igl emprem d'avrel 1995 accumpognan vischinas e vischins la defuncta Cristgina Beer da Surrein sin santeri da s.Vigeli. 89 onns ha ella passentau, ils biars ella biala ucliva da Foppas vi Surrein.

Ella ei naschida igl onn 1906 ils 25 da fenadur. Ses geniturs ein stai: Vigeli Giusep Beer (1873 - 1940) e Cristgina Hendry (1876 - 1939). Sco veglia dalla famiglia suandada da sis frars ha ei tuccau bien a baul da surprender laver en casa. Suenter ver frequentau las scolas eis ella restada vinavon a casa e gidau el grond menaschi puril. La Cristgina ha buca anflau in partenari da letg ed aschia ha ella suenter la mort dalla mumma e dil bab fatg sia entira veta il percasa da ses fargliuns ledis.

Quei menaschi quella laver ei segiramein buca adina stada leva per la Cristgina. Igl onn 1973 bandunan ils fargliuns Beer la ucliva da Foppas e serendan vi Sedrun.

Igl onn 1989, cun 83 onns secasa ella en la casa da s.Vigeli. Leu sa ella passentar la beinmeritada sera dalla veta. Nunspitgadamein banduna la Cristgina il terreseter ils 30 da mars 1995 suenter cuorta maldispostadad. Il Segner ha clamau a casa sia fideivla survienta Cristgina. El regali ad ella la pasch beada.